

# 海內詩錄

## 讀泊園種竹詩絕愛其無竹一大事句次韻奉

和

陳衍

遠天帶嶽雲涼。疏柳依荒渡。寒花隔故鄉。離心與飛雁。一夜過衡陽。謁  
 少陵先生草堂兼展陸放翁遺像云。成都舊茅屋。遺構識幽栖。亭閣地  
 俱古。江山風始淒。百花一潭近。萬竹四松齊。四松萬竹公詩。不見杜  
 陵叟。夕陽空鳥啼。配食劍南老。始聞嘉慶朝。可憐心激壯。猶見髮飄蕭。  
 舊國東歸晚。中原北望遙。英靈定何在。杯酒一相招。贈程子大句云。鞞  
 纓明月張三影。冠劍丁年溫八叉。皆有唐調。  
 北人能詩者。少。有之。則。往。往。意。直。詞。顯。而。筆。氣。却。不。靡。弱。雄。縣。張。王。裁  
 同書。大學文科畢業。充陸軍大學教員。喜為詩。筆勢軒爽。但時作悲慨  
 語。十首以上。詞意多相近。余勸其多讀少作。且讀書不但讀詩。自有左  
 右逢源之候。如晚眺云。夕陽莫惜近黃昏。一片孤城古薊門。貪看秋光  
 忘。久。坐。殘。紅。莽。蒼。接。中。原。夜。坐。云。荒。亭。一。雨。淨。纖。塵。劫。後。看。花。涕。淚。新。  
 日暮更無修竹倚。一鉤涼月上吟身。泣月寒蟻抱葉蟬。秋來事事感華

年小窗畏讀秋聲賦。且檢南華秋水篇。上石遺師云。不承譬欸。又經年  
 每讀高文意。爽然三載排。除無事擾。八閩山水以詩傳。放翁索句。衰年  
 健子美。攜家久客。便知有萬人聽說法。一燈炯炯。月孤懸。句如江山已  
 老人猶在。又趁斜陽作薄遊。四壁蟲聲侵曉急。半牕花影入燈悲。文能  
 貴紙偏憎命。色不傾城恥效顰。詠天壇檜云。堅貞不共山河改。遲暮憑  
 教霜雪侵。皆可誦者。

都下讌集。多相率為詩鐘。否則劇棋也。否則徒舖啜而散也。隨意清談  
 能流連。半日者寡矣。余最喜清談。然往往相思命駕。而一坐未有深言。  
 無意過從。而娓娓不能遽已。每誦汪君剛(會武)句云。偶然好夢。皆奇  
 遇。隨意清談。亦宿緣。以為知言。君又有句云。總因歡聚少。愈覺別離難。  
 皆倉山詩話中佳料也。

平生愛竹意。滿貯一腔內。客居必種之。楚岸與吳會。北地種易。槁若  
 搗肝肺。呼童舍長錢。工力免勞費。往年居斜街。或致此君輩。經冬冰雪

29872 厚頓失一翼。翠去年居東城。照翠綠可醉。秀野獨樂情。扶疏吾慮愛。非無冰與雪。柯葉瓊瑤綴。終焉瀟灑侯。老骨敵寒歲。喜君有同著。日作佳士對。沈吟大事句。無語堪與配。

立秋日訪泊園不值

前人

便覺秋風入我懷。泊園秋色定。然佳驅車廿里長。安道剩見斜陽上。古槐。

叔伊追和戊申年曇字韻詩感賦 樊增祥

題襟日下七年前。軒鼎媧簧盡此年。一別江梅幾經雪。再來宮柳已如烟。恍於隔世酬詩債。老傍修門索酒錢。舊曲霓裳君莫詠。新來別有大羅仙。

六月晦士可招集畿輔先哲祠之不朽堂即席

有作

前人

蒙盟萬里建高牙。十日平原飲與賒。官職真靈新位業。衣冠天復舊朝家。鳴秋時有風敲竹。卜夜曾無月照花。俱是南皮門下客。故應高會效沈瓜。不朽堂爲丞相祠。當年親見種松時。癸卯年事重開北海盈樽酒。已

了東山一局棋。炎運久移三統曆。歲寒猶發萬年枝。初唐不少功名士。盡是河汾一老遺。

紀夢

夏敬觀

節日屆中元。有夢入崖谷。兩履昔未經。如何著陰目。初來捫開石。了無文可讀。石面生雲氣。狀若水紋縠。循廊轉山背。翼然小亭覆。愴慨歷飛。榭層城。蠶樓屋。撫檻微光際。平視峯起伏。不知山何名。莫考城誰築。同游復忘之。但覺非吾獨。心疑若有覩。吾弟在山麓。奄化雖已久。寤語殊我睦。皮骨上青天。智譬蟲緣木。黃泉亦非家。豈不勞往復。日暮途愈遠。念此足彌縮。靈葵忽吠旁。筠杖驚投逐。遽遽返我躬。飛雀藏瓶腹。

送石遺先生入都

高向瀛

文集詩囊共北征。山寒木落海天清。經行時帶兵戈氣。感逝深含骨肉情。故里宗風闕。十子上座矜。式魯諸生縣。知一榻尋滄趣。爲道黃門雪髻成。

節庵丈餉梁格莊菘

陳衡恪

先生惡韭獨好菘。臭味取舍與我同。題牋荷眷遠將寄。雕隴落俎膝。理鬆四海困窮仍作客。種樹餘畦土花裂。帝陵霜雪老臣心。炙手廚娘那

能說。

### 題繭廬摹印圖

前人

文何圓潔氣雍容。傳粉搔頭誤俗工。繼起西泠成峻折。一時風靡露刀鋒。

吳鄧精嚴出漢碑。流傳偽體愈卑卑。牧翁復古趨方雅。始信汪蕭有導師。  
（吳讓之鄧完白得力於禪國山開母廟及漢碑額。當時號稱徽派。效其體者益為修削。遂至俗惡。黃牧甫亦徽人。專尚方整。摹秦漢印。泉唐汪鵠客衡陽蕭厓泉。皆師仿之。）

下窺兩漢上周秦。不向西泠苦問津。趙整吳奇參活法。瓣香分藝亦艱辛。  
（搗叔若程不識。岳廬若李廣。各極其能事。吾與繭廬蓋取法於二家云。）

### 奉題石遺先生蕭閒堂詩後

侯毅

蕭閒堂者。石遺先生配蕭夫人。取真語語。以名其讀書之堂也。夫  
人秉德懿懃。博綜圖史。及沒。石遺賦蕭閒堂詩。五言排律三百韻。  
悼之。抒哀述往。託以長言。多矣哉。古未嘗有也。毅既獲讀其詩。石  
遺俾題其後。乃為此遺之。

才福不兩全。由來有偏缺。賢哉陳君妻。恂恂被儒術。不徒著靜好。智蘊  
周萬物。宋元稱李管。詞曲與畫筆。斯人擅雄文。浩汗富作述。須眉謝精  
詣。論議徵遠識。伏女曹家後。千載應寡匹。堂堂陳夫子。聲華炳日月。嗜  
古陋湖州。論藝卑松雪。唱調諧比肩。鸞鳳鳴一室。才福信無雙。髦壽宜  
可必。豈期霜菊枝。歲寒遂凋歇。可憐五十翁。垂老傷折翼。哀逝無窮期。  
長吟動泉穴。嬋媛三千言。鉅製真獨絕。世增伉儷重。詩擬波瀾闊。萬古  
蕭閒堂。情文同不滅。

### 七夕東城醉歸

黃濬

顛擲年光黯。未知輟眸秋。境陡千悲城。頭黃月挂寒。意道左。燈光非昔  
時。世論坐催滄海換。金風暗遣斗杓移。尋思生計真須拙。欲乞天絲有  
至疑。

### 宵歸

前人

缺月流雲夜未央。街聲巷柝併微茫。此身已恐宵行誤。卻喜寒燈一線  
光。

### 題印伯先生遺象

前人

華陽山人顧所持。書神酒意匹者誰。衰年客死留殘詩。廬有弟子傳其

29874 師風流搖落。吾生遲。晚接壇坫親須眉。今題此紙益我悲。頽世學詩將何爲。

次均敷厂見贈

程康

遼絕維浮望九疑。與君心共白雲期。時衰底用千憂集。飢忍從知百歲宜。微雨肯過端置酒。師門偏許衍鈔詩。只今未信風流歇。咳唾珠璣媿遠遺。

師曾槐堂

羅惇晏

百年人事大槐宮。閱世寧非此意同。解榻延陰便獨嘯。臨臆作草有新功。山川畫稿供彈壓。金石交誓始終茗。坐定能容我輩。更留隙地長秋菘。

酬程穆庵

前人

程子長身有家法。遠從湘水久心期。死生師友情何篤。偃蹇山林壯未宜。觸熱累過容略迹。指瑕偏許到新詩。行滕常挈彭城稿。昌世於今事補遺。(君近輯所持先生遺詩)

題陳絜先居士南湖壽母圖

陳詩

昔聞遺愛頽考叔。今見好客劉麟之。西泠巖壑劇清美。短籬日日南風

吹冠挂惠文遺。豸服伯兮飯。疏植花竹。(謂仁先侍御)叔子英英時著書。采萼春雨蕭山曲。我來兩度湖之濱。水鳥翩飛還識人。南屏倒影杯中綠。束筍雷峯檻外明。

甲寅七月十八日訪陳師石遺途經三海北望

有感

張同書

太液池邊菡萏秋。花閒跼跼下鳧鷗。江山已老人猶在。又趁斜陽作薄遊。

秋夜有懷

前人

共誰竟夕話相思。管榻塵凝酒一卮。四壁蟲聲侵曉急。半牕花影入燈悲。紫台人去成千古。白水雲深又一時。轍跡遺塵那可說。樽前風雨正淒其。

偶成

前人

零落柴門莫雨時。百年心事一燈奇。書不爲窮愁著。况諷中年以後詩。

白溝河阻雨晚眺

前人

荒榛沙磧上。薄暮此登臨。禾黍殷頑泣。江潭楚客吟。天低雲北逐。渡遠日西沈。莫作河清俟。霜華兩鬢深。